



Broj: 27-01/2-04-55454-16/25
Sarajevo, 15.1.2025. godine

SKUPŠTINA KANTONA SARAJEVO

n/r predsjedavajućeg Skupštine

- Ovdje -

PREDMET: Odgovor na zastupničko pitanje zastupnika u Skupštini Kantona Sarajevo Jelene Pekić, Belme Kapo i Samira Avdića, *dostavlja se*

- Veza Vaš akt. broj:01-04-55454-16/24 od 6.1.2025. godine –

U okviru 19. radne sjednici Skupštine Kantona Sarajevo a u skladu sa čl. 211. i 214. Poslovnika Skupštine Kantona Sarajevo, zastupnici u Skupštini Kantona Sarajevo Jelena Pekić, Belma Kapo i Samir Avdić postavili su zastupničko pitanje koje su dostavili u pisanoj formi predsjedavajućem Skupštine Kantona Sarajevo, kako bi isto bilo dostavljeno Ministarstvu za nauku, visoko obrazovanje i mlade Kantona Sarajevo.

Zastupnici navode da je Vlada Kantona Sarajevo na 10. sjednici održanoj 1.2.2024.godine, donijela Rješenje o imenovanju Interresorne radne grupe za izradu teksta nacрта Zakona o izmjenama i dopinama Zakona o visokom obrazovanju Kantona Sarajevo i teksta nacрта o izmjenama i dopunama Zakona o naučnoistraživačkoj djelatnosti Kantona Sarajevo, te su zatražili detaljan odgovor na pitanja.

Ovim putem dostavljamo odgovore na zastupničko pitanje kako slijedi:

PITANJE:

„Koliko je sjednica do sada održala radna grupa i koliki je ukupni iznos sredstava isplaćen za njen rad??“

ODGOVOR:

- Interresorna radna grupa za izradu teksta Nacrta zakona o izmjenama i dopunama Zakona o visokom obrazovanju KS i teksta Nacrta zakona o izmjenama i dopunama Zakona o naučnoistraživačkoj djelatnosti KS je, zaključno sa julom 2024.godine, održala ukupno 12 sjednica te je za njen rad isplaćen ukupan iznos od 37.029,34 KM za slijedeće periode rada:

<u>Mjesec</u>	<u>Iznos</u>
- Februar	5.863,59 KM
- Mart	5.863,59 KM



- April	5.863,59 KM
- Maj	6.233,15 KM
- Jun	6.602,71 KM
- Jul	6.602,71 KM
- UKUPNO	<u>37.029.34 KM</u>

PITANJE:

„U kojoj fazi su aktivnosti radne grupe vezane za zaduženja koja su joj povjerena?“

ODGOVOR:

Interresorna Radna grupa za izradu teksta Nacrta zakona o izmjenama i dopunama Zakona o visokom obrazovanju KS i teksta Nacrta zakona o izmjenama i dopunama Zakona o naučnoistraživačkoj djelatnosti KS, imenovana od strane Vlade Kantona Sarajevo, preduzela je niz aktivnosti u skladu sa zadacima koji su joj povjereni. Radna grupa je svoj rad započela izradom teksta prednacrtu za izmjene i dopune **Zakona o naučnoistraživačkoj djelatnosti Kantona Sarajevo**, koji je uspješno finaliziran i spreman za dalju proceduru razmatranja.

Nakon završetka ovog dijela posla, Radna grupa je nastavila s razmatranjem teksta **Zakona o visokom obrazovanju Kantona Sarajevo**. Međutim, tokom ovog procesa konstatovano je da je ipak neophodno sprovesti detaljnu analizu važećeg zakonskog okvira kako bi se identifikovali problemi u njegovoj primjeni i osigurala osnovana i kvalitetna rješenja za buduće izmjene zakona. Zbog toga je Radna grupa privremeno obustavila svoj rad na izmjenama Zakona o visokom obrazovanju i preporučila formiranje posebne stručne grupe s preciznim zadatkom analize važećeg zakona.

U skladu s ovom preporukom, Ministarstvo za nauku, visoko obrazovanje i mlade Kantona Sarajevo formiralo je novu, manju **Radnu grupu za analizu važećeg Zakona o visokom obrazovanju**, čiji je zadatak:

1. Detaljno analizirati važeći zakon.
2. Identifikovati ključne probleme u njegovoj primjeni.
3. Usporediti zakonska rješenja s međunarodnim praksama.
4. Pripremiti sveobuhvatan izvještaj koji će poslužiti kao podloga za izradu izmjena i dopuna zakona.

S tim u vezi, Radna grupa za analizu Zakona o visokom obrazovanju još uvijek je u fazi identifikacije svih problema u primjeni važećeg zakona. Aktivnosti ove grupe usmjerene su na temeljitu i detaljnu obradu svih relevantnih pitanja, a njen rad je ključan za kvalitetnu nadogradnju zakonskog okvira.

S obzirom na ovu dinamiku, interresorna Radna grupa nije nastavila s izradom izmjena Zakona o visokom obrazovanju, te očekuje rezultate i preporuke nove Radne grupe za analizu. Nakon završetka analize i dostavljanja izvještaja, interresorna Radna grupa će moći nastaviti s radom na ovom zadatku, koristeći dobijene informacije kao osnovu za dalje aktivnosti.



Shodno navedeno, proces analize Zakona o visokom obrazovanju je u toku, a daljnji koraci zavist će od rezultata i preporuka koje će izraditi nova Radna grupa.

S poštovanjem,



Dostaviti:

- Naslovu;

① Stručnoj službi Vlade Kantona Sarajevo

- a/a.